

Nuorttanaste

»Gæca dam Ibmel labba,
gutte mailme suddo guodda!«

»Son dagai rafhe su ruosa
varai bokte.«

No. 22.

Sad jakkegærdde.

»Nuorttanaste« maksa ovta kruvna jakkoda-
gast, bladde dinggujuvvu juokke poasta-
rappe lutte.

30ad November 1906.

»Nuorttanaste« olgusboatta guovte gærde
manost — dam 15ad ja dam 30ad bæive
juokke manost.

Ucca Lisaš albme.

»Ædne,« celki ucca Lisaš hilljis
jienain, »muittal mudnji fast alme
birra.

Jansa Marit njulggi ječas šuoka-
tusain ja divti baide, maid son læi
bassamen gæcæt stampi fast. Son
gæcæsti dam sevdnjis stobo birra, gost
si asse ja maidai gæcæsti daid šovkis
muođoi ala dobbe čiegast — dak legje
mæsta nuft vielggadak go dat guodda,
mi daid vuolde læi.

Ucca Lisa riboš læi dal sængast
vellam mæsta mano aige juo. I læm
su dille buore dast, gost son vellai.
Son læi buocce ja hægjo, ige læm su
birra mikkege æra go suddo, moraš ja
gavkasvuotta. Ačče jugai buok, maid
son tini, ja ædne fertti vuostaivalddet
bassama ælatusa oažžom diti aldseis
ja æraidi, nuft atte sust i læm ollo
dille čorgget stobo siste — ja læi mai-
dai alelassi bassamlievde ja saibbo-
hagja. Buoremus læi čalmi dappat ja
vajaldattet buok dam ja jurdašet dam
lieggos baike ala, gost buok læi čuovg-
gad ja čabbes, — namalassi jurdašet
alme ala, man birra son læi sodna-
bæiveskuvlast gullam sardnomen. Lisa
i vaibbam sardnomest alme birra, ale-
lassi jærαι son olbmuin, gæk sisa bot-
te, mattego si æmbo muittalet alme
birra. Margreta, muttom oapatægjenis-
son sodnabæiveskuvlast, læi gieskad
logatam sudnji dam šerris gavpuga
birra Johannes almostusast, ja dat læi
su mielast nuft čabbes, nuft čab-
bes!

»Ædne, moft jakak don dobbe
læ almost?« čuojai mana jidna fast.

Ædne šuoketi fast. Sust legje
nuft ollo dakkamušak. Biktasak galg-

ge bassujuvvut, gafe vuššujuvvut, ja
son læi hui vaibas. Sust læi ænemu-
sat hallo vastedet: »Mon doaivom, dat
læ okta daggar baikke, gost læ dille
vuolas čokkanet ja vuoinastatet;« mut-
to de son jurddeli, atte son nuft i sa-
te sardnot Lisa, su jabme manna rip-
poses.

»I læk nuft buorre cælkket,«
celki son vimag, »mon jurdašam, dat
læ okta daggar baikke, gost mi oaž-
žop njalggat vuoinadet, ja gost i
læk mikkege bahaid — i mikkege
vidnejukkanid ja stuimid.«

»Nu gal, ædne, mutto i dobbe
læk alma dušše dat. Ikgo don læk
gullam pæralporta ja dam šelggis gav-
puga birra? Ædne, æi alma goit dai-
de dušše fina olbmuk dokko bæssat
sisa?«

»Fina olbmuk? æi dnšše dak gal;
dastgo dat i læm Jesusa vuokke, dalle
go son dabe vagjoli. Son væketi mai-
dai vaivašid. Mon savam, vare son
dadde dal lifēi dast!

Son doiddeli gieđaides ja čokkani
vaibbam stuolo ala. »Ja aččege i læk
vel boattam. Alma son læ vuotte-on
vidnaraigest. Mon balam, atte son
garremoavest sidi boatta, Lisa.«

»Nuft vissa, ædne,« vastedi man-
na hilljis jienain. Jos son lifēi læ-
maš dærvas, de lifēi son vuolggam su
viežžat sidi. Lisa lavi oažžot su sidi,
go oktage æra i ožžom su vidneraige
guođdet. Lisa læi maidai dat okta
aidno, gæn son rakisti, ja son i mat-
tam ibmerdet, atte su nieidda læi nu
hægjo, goson læi.

Lisa nokkai go ækeduvvagođi,
ja sust læi hui čabba niekko. Son
oini pæralportai ja gavpuga. Son oi-
ni daid šelggis gataid, ja dobbe legje
nuft ædnag olbmuk. Son oini smavva
nieidaid sæmna muddosažaid, go son

ješ læi — ja ædne maidai læi dobbe,
ja ačče. Ja buokak legje nuft ilost.
Sen oini ruonas rasid ja čabba lidid
— ja dobe gukken gullui daggar imaš-
laš čuojatæbme. Son niegadi, atte
son doalai su ædnestes gidda ja su
ædne čieroi ilo diti. Go son goccai,
de legje gadnjalak maidai su ječas
nierai alde.

Su ačče læi sidi boattam ja čok-
kai dal sienga baldast. Lisa i aiccam,
man son læi lossa mielast ja suttas,
ige dam garra vinehajage merkkim,
mi sækkanī čacce ja saibolivdin;
mutto son algi muittalet su niegos
birra:

»Ačče, mon læm niegadam nuft
čabbat! Mon oidnim alme — aido
jure sæmma lakai go frøken Margreta
læ mudnji muittalam dam birra! Mon
oidnim balgaid ja dæno — ja enge-
lid. —«

Mutto su ačče orostatti su sard-
nomest fastes boagostemin ja celki:

»Najuo, gal dasto! Dat læ duš-
še gieles buok dam »šelggis gavpuga«
birra, maid don lavvik hoakkat, dat
læ dušše joavddelas buok. Olbmuk
dušše dakkaluddek dego si dam jaka-
šegje. I obba gavdnuge mikkege al-
mid, Lisa.«

Buok illo javkai mana muođoin,
ja dak stuora čalmek gavkkagotte ačē
ala suorgganemin.

»Maid, igo læt duotta! Moft ačē,
mon oidnim dam! Ja frøken Mar-
grete læ muittalam.«

»A, i dat læk mikkege. Gal fina
olbmuk mattek sardnot! Vaivašak
galggek jedđijuvvut almin, vai si æm-
bo gierddavažat baha gillajek ædnam
alde! Ale jake don dam, Lisa.« Ja de
skievčoi son olgus stobost.

Go su akka oanekažat mañnel
bođi sisa, de gavnai son mana čierro-

men sængast. Son čieroi nuft allaget dego su vaibno lifēi luoddanēme.

»Ædne, ædne, ačēe cœlkka, atte i obba lækge alme, æi engelak, gæk min vuostaivalddek, ige mikkege čabba čuogjamid — vuoi dadde ædnašam!»

»Na nu, gal dat dal ačēad læge daggar dilest, atte son alme birra satta sardnot,« celki ædne morin. Son læi ila vaibas sikke vuoiŋalažat ja rumašlažat dasa, atte son lifēi mat-tam jedđit su manas, ja dasa vela bođi, atte songe i læm vel ožžom duotta vaimolaš halidusa alme guv-lui. Lossa šuokanasain alli sōn oai-ves sængastoalpo vuostai ja celki: »Ibmel dietta maggar albme læ, Lisa, ja lægo obbanassige albme, — mon dam im dieđe!»

— — Maŋŋed cœkkedes muttom bæive, ringijuvvui garraset ovta bær-raša lutte, gutte i assam gukken erit dam baikest, gost ucca Lisaš asai.

»Ožošingo mon frōken Brun sa-gaidasam?« jærrali okta groavva olbma jiedna. Nieidda, gutte uvsa rava-sti, gæčai æpedemin dam stuora guk-kesiskavēad, licagam olbma ala.

»Cœlke frōkeni, atte okta su sodnabæiv'skuvla manain, Lisa Jan-sanieidda, læ hui hæjot buoccamen ja sitta su sagaidi.«

I læm gukka ouddal go Marg-rete Brun alma balotaga vagjoli bal-ga mielde dam likkotes ačē baldast. Son didi galle, atte olmai i maidege bahaid daga sudnji. Garraset haisoi buollevine sust; mutto almaken oroi son dal læmen čielgas oaivest — suorgatus læi vineduoje olgusagjam su vuoiŋašin.

»Son læ vœllam nuft jaskadet odne,« algi son nissoni muittalet, »ige læk son borram maidege, dušše læ čirrom. Ja maŋŋel go mon sidi bot-tim hegjoni son ja čuorvogodi du.«

Son orosti vahaš, ja de celki son gakkademin: »Mon muittalegjim sud-nji ikte, atte æi læk engelak ige alme — ædne jakka, atte dat læ vissa siv-vau su morraši ja dorvotesvutti — mon gal daina im jurdašam maidege bahaid. —«

»Mutto manne dakkek don dam,« celki Margreta morrašin. Son i vaste-dam, ja alma sanegē sarnokœtta vazi-ga soai dam oanekaš matke. Lisa čokkai sængast, su ædne doarjoi su, ja dal vuoiŋai manna hui lossadet ja

gæčai uvsa vuostai. Atestus læi dego malijuvvum su muođoi ala.

»Vuoi frōken, frōken, ačēe cœlka, atte i obba lækge mikkege šelggis gavpugid, æige engelak —«

»Ale sarno nuft, ucca Lisaš; læk gal engelak — si bottek farga ja viž-žik du, ustebam.«

»Nabai dat gavpug, frōken, mon niegadegjim, atte mon oidnim dam.«

»Nu fal, ja dam dagai maidai apostal Johannes. Son niegadi, atte son oini dam, ja Ibmel gočoi su čallet vuolas dam su čabba niego, vai mi oažžop juoga buore, man ala jurdašep. Mon satam dudnji muittalet, Lisa, atte dobbe, gost Jesus læ, dobbe læ buorre orrot. Son vuordda du ja aig-go vuostaivalddek. Ikgo don sate su ala luottet, Lisa?»

»Satam galle.«

»Jesus læ cœlkkam, atte dobbe, gost son læ, galgap maidai mige oažžot orrot, ja atte su ačē viesost læk ollo orromsajek. Vuoi dobbe læ buorre assat, Lisa, sagga, sagga buoreb go mi mattep jurdašet dabe ædnam alde.«

Manast oidnui dal mogje. Dat moraš ja atestus, mi su muođoi alde læi gaidai erit, ja dam sagjai bođi cœlkkemættom rafhe ja likko.

»Man dat læ čabbes buorakkan,« savkastalai ucca Lisaš. »Farga boatta Jesus ja viežža mu. Alma don frō-ken læk visses dam ala, atte mon bæ-sam sisa?»

»Dam ala læm mon visses,« vaste-di Margreta. »Dudnji lækastuvvu porta govddadet, go don boadak.«

Manna mojeti fast — dat læi okta suonjadegje mogje; ja de gæčai su oaivve guodda ala, ja son oadđai dam maŋemus nakkari.

Mutto son i læm ællam duššas. Su ačēe læ oera olmuš dal. Son læ dal okta jugakœttes ja bargolaš olmai. Son læ okta daina mangasin, gæi birra dat bibalsadne læ šaddam duottan:

»Ja okta ucca manaš galgga laid-det sin.«

I ællema mutto su jabmemes bokte duođašti Lisa su ačes oudast ja gesi su maŋestes čuovggas vuostai — dai agalaš orromsaji vuostai, gost son dal vuordda su. Davja važaša son girkkogarddai, čokkana Lisa havde ala ja lokka daid sanid, maid Margreta læ čaletam havdemærka ala:

»Mu ačēam viesost læk ollo orromsajek.«

Lossadet vaiddujuvvum ige mikkege duottan čajetuvvum.

(Čali ja sisasaddi J. Samuelsen Doenodagast.)

Lasse 20ad nummari.

Di muittebetet dam bitta »Nuort-tanaste« alde nr. 13 dam jage, maid okta daina angeras kristalašvuoda be-loštægjin læ čallam Johannes Hus bolddujume birra ja boares ako hæ-jos gævatusa birra su vuostai, nuftgo mon dast ouddalest juo læm muittal-am. Dam læ son čallam mudnji hæppadussan ja soaimaldakkan. Nuft-go akko suopoi rissid ja oalgaid dam dolli, mi Hus vuolde buli, de nuft maidai makaš monge boaldam ja bo-ram kristalažaid; mutto go mon lok-kim dam čallag hilljis mielain; de monge mojhoddamin celkkim vuoi-nastam dam čallai: »Vuoi duimes vanhurskesvuoda vuoi;« dastgo mon dieđam, go olmuš suppe rissid dam dolli, mi læ cækkituvvum mu boald-dem varas juo lakka 4 jage dast ouddal, de i son daga dam eiesege daina, atte son adna dam boastovuot-tan ja almake dakka; mutto atte son i adde daggo dafhost, mi læ vanhurskesvuotta. Mon jakam, atte dak moaddes, gæk mu vuostai læk čallam læk kristalaš olbmak ja kristalašvu-oda angeras bæloštægjek, mutto dušše lossedattujuvvum daina sæmma heg-jodagain, maina dat Jesus mattajæg-je læi, gutte givesvuodast aigoi ravk-kat dola almest ovta Samaritanalaš gavpug bagjeli, damditi go olbmuk legje Jesus vuostai. Almaken ani Je-sus dam olbmage mattajægjenes, duš-še celki: Ik dieđe, man vuoiŋast don læk, lægo olbmu bardne boattam duš-šadet?

Mon anam maidai daid mu gir-jalaš vuostaičuožžoid vieljanam, vaiko læm cœlkkam daid ouddalaš nama-tuvvum bittaid diti, atte si æi dieđe, mi vuoiŋaid sist læ. Ja damditi aiba-šam mon oaidnet sin; dastgo mon ja-kam, atte min njalmalaš sardnodæb-me šaddaši lika čabbat go girjalaš. Im mon dadde nuft sturrat imašta-lage, atte sin sanek læk mu vuostai soaigoslaganak; dastgo æi si læk oaid-nam æige gullam must maidege njal-malažat.

Okta daina mu guoddalegjin čallagistes »Nuorttanaste« alde læ oelkkam, atte son dovda mu hui bu-rist juo 30 jage dast ouddal ja nuft

dakka historia mu kristalašvuoda birra, ja dam historiast namata daid stuoremus laitosid must, damditi go mon sardnedam siggidi kristalažaidi imge mailbmai. Igo dat læk burist arvvedæmest, atte dat su historia fertte læt čielgasmættom, dađemielde go monno dovodosvuotta dam 30 jage sisa læ læmaš nuft aibas uece, atte ibmašest ledne oaidnaladdam, æmge æmbo go dam muddoi, atte ledne ravkkam buorre bæive ja cækkam æle dœrvvam. Jos dat olmai lifči læm vuoiggadlaš, de læi son cækket nuft: Maid mon čalam John Samuelson birra, de im mon dieđe ješ maidege, dušše læm gullam ærrasin nuft su birra, de lifči læm riehta.

Dam duimes ja vuoiggadmættom historia diti læm mon baggijuvvum čallet uccanaš mu ællemhistoriast, mi ješ aldest i lifči gal darbašlaš.

Mu ællemhistoria læ nuftgo čuovvo:

Mon læm aibas fuones sæđost. Gođest læm mon bajassaddam. Mu ædne læi kristalaš. Son læi okta daina, gutte manaides i vajaldattam oudanguoddet gadnjalgum Herra armostuolo oudi. Dam rajest juo go mon muittam oapati son min duodalaš angervuodain ibmelballoĩ girjalaš ja ječas saniguim ravvagi bokte. Suddo vašoti son juokke hamevuolde. Buok lobalaš gavvel- ja betolašvuotta læi sust garraset gilddujuvvum. Son i goassege sardnon bahaid oapatægji birra ige ovtage æra birra. Dat læi mu arbbe. Mon im ožžom maidege, mi ruđa værdogas læi.

Nuft læi son mu mannavuoda rjuoras dovdoi ruotasmattam duodalaš aibašæme ibmel maŋŋai, nuft atte gost mon vagjolegjim de basse aibašæmbe i javkkam mu dovđost; mon čirudim ja šukkim audogasvuottam maŋŋai. Bahadabalašvuotta læi mudnji šaddam fastevuottan, ja go mon legjim 13 jage boares, de bottim skuvlai, ja oapatægjek lasetegje ja ravvijegje mu dovdoi dam, mai ædne læi gilvvam.

Dam aige læi maidai okta hui čabba kristalašvuoda særvve mi goččujuvvui vieljači særvven, dam oudastmorraš mielde doaimatuvvujegje kristalašvuoda girjek samas ouddamœrka diti čuovvovaš girjek: »Boađe Jesus lusa,« »Rippagirje,« »Birrabođnjalus girje« ja »Onekaš oaivvadume girje.« mi 2 jage dast ouddal bođi »Nuortta-

naste» alde dam bagjelčallag mielde »Juovlla jaskis jurddagak.« (dat læi sisasaddijuvvum). Dak legje sielo likkatægje girjek, ja dak dugjuegje famolažat mu siste. Dasto go mon legim 16 jage boares, de bessim mon gullat dam sardne olbmai njalmalaš sarne, gæi gaskast mon namatam guokta skuvlaolbma S. Samuelson ja Johan Erik Soffa. Maidai Johan Erik Isaksen læi dam særve angeres mieldebergge. Go mon orodim su lutte, de logadi ja lavlodi son dain aldesek doaimatuvvum girjin, ja nuft rakadi son sielos bajas.

Mutto dam sæmma aige ittegotte æra vuoiŋalaš særvvek mak datto heitujubmai buktet buok kristalašvuoda likkadæme, mi sin ouddal gavdnuim ja algategje ješječaidæsek rajest. Dat væjelæmus daina læi dat guovtasuorad læstadius særvve. Si naggijegje ja jaketegje olbmuid, atte i mikkege læt kristalašvuotta, mi alma sintaga læ. Dam jakkoi ožžu si maidai Johan Erik Isaksen, ja son šaddai sin angeres mieldebergge.

Loappa boatte nummarest.

|| Gukken ja lakka. ||

Ruoša kaisar ja Suomaenam.

Gieskad læ dat ruošalaš radđetus čallaga saddim Suoma senati (stuorradiggai), man siste celkkujuvvu, atte kaisara halidus ja savvam læ, atte suobmelaš politiak galggek væketet ruošalaš politiaid arresteret daid ruošalaš politikalaš bagjelduolbmuid, gæk dal læk čiekkadam Suomaenam. Dam čallagest maidai celkkujuvvu, atte senata berre mœrradusa valddet dam ašest kaisara savvam mielde. Vastadus dam čallagi gaibeduvvu vakko gæčest. Dat dieđetus læ Suomaenam namest cakketam unokas miela. Dobbe læk čuđi mielde ruošalaš »politikalaš bagjelduolbmek,« daggarak namalassi, gæk nimmurek Ruošaaenam stivretusa vuostai, ja duhatak ruošalaš bærrašin, gæk læk vaibban vara ja sorbmim oaidnemest, ja gæk rafhe maŋŋai aibašek, læk bataramsaje ocam Suomaenam raje siskabælde.

Suomaenam senata, mi læ dego muttom lagan sis'ædnam ministerium, læ dam bokte bigjum oalle barttai. Muttom duodalaš naggatallami maŋŋel senatast læk valljim ovta særve

(muttom olbmaid) gæk dam aše galggek dutkat ja dam arvvalusa ouddanbuktet. Generalguvernør Gerhart læi maidai senatast naggatallamen dam aše birra.

Min gonagas ja dronneg

læba dal fidnam Englandast gonagas Edvard guosest. Darogiel avisain læk gukkes telegrammak buok dam čina ja hærvvasvuoda birra, maina soai læba vuostaivalddujuvvum Englandast. Nuftgo dam blađe lokkek vissa buokak dittek, læ min dronneg gonagas Edvarda meidda Englandast.

Dam 15ad december galggaba min gonagas ja dronneg maidai fidnat Berlinast, Tuiskaædnemest. Dobbe soai maidai vuostaivalddujuvvuba stuorra činain ja hærvvasvuodain.

Konfirmationa.

Sobnabæive dam 28. oktober dollujuvvui særvvegodečoaaggalmas Høilanda ja Sandnæs gieldest. Dam čoaaggalmassi legje boattam arvo mielde 300 olbmu, ja dobbe valdde čuovvovaš mœrradusa, mi Kristiansanda bisma čađa galgai saddijuvvut girkkodepartementi: »Særvvegodečoaaggalmas Høilanda ja Sandnæs gieldest savva: 1). atte konfirmation ordneg nubbastattujuvvu dam lakai, atte dovđastus ja loppadus i gaibeduvvu, mutto konfirmationskuvla fal dollujuvvu ja loapatuvvu gačademin ja Herra buristsivdnadusain nuftgo dam ragjai. 2). Maidai savva særvvegodečoaaggalmas, atte suddoi andagassi cækkem sirrijuvvu erit altarmannemest, 3) atte dak gačaldagak, mak adnujuvvujek manai gastašedin eritheittujuvvujek ja dam sagjai bigjuvvu biettalæbme ja oskodovđastus.«

Stuorra likkotesvuodak

læk garradalki bokte depatuvvam daina amerikanalaš stuorra javrin. Ollo vadnasak ja skøitak læk duššam, ja manga olbmu hæga læk mannam.

Gamavuonast, Altavuonast

rakaduvvujek skøitak juokke sturodagast. Dobbe læ dal ollaset dego sjøitafabriikka. Gavpeolma Ingebrigtsen ja Ole Jakobsen algiga — nuftgo mi juo ouddal læp muittalam — nuft smavvaset rakadaddat sjøitaid, dal læba soai ožžom oarjen ovta mæistara, gonstata balkata, muttom manoid orrot Gamavuonast ja oapatet vidasæbbo.

Dal go mi dobbe finaimék, de legje manga sjeita bargo vuolde, ja muttomak galgge divvujuvvut. Min mielast læ dat hui vuogas, atte Sameædnam assek ječa hutkagottek juoga maid, erinoamačet daggar aši harrai, mak gullek sin ælatusvuokkai. Jakkemest læ, atte Ole Jakobsen ja Linstrom, guđek dam ragjai læba læmaš mæistaren ain æmbo dal oappaba, ja dal go sodnost læ oapatægje, de læ maidai jakkemest, atte Gamavuodna šadda dat baikke, gost Sameædnam fiskarak boatte aigest sjeitaid ja vadnasid ostek aldsesæsek.

Japan ja Amerika.

Muttom soatteskipak Japanest galggek vuolget jottet ædnam birra, ja læ arvvalus, atte si galggek fidnat San Fransiskost. Æi ora amerikana-las blađek dasa likomen. Si arvvalek, atte Japan daggo bokte rampastalla.

Likkotes stuoradiggevalljim

(Čali ja sisasaddi okta Sameædnam Sabmelaš) Vuostas gærde læ, go mon »Nuorttanastest« saje bivdam moadde sadnai.

Vaiko stuoradiggevalljim dal aigga juo læ mædda mannam dabe Nuortta-Sameædnamest, de læ almaken mist vuoggadvuotta vaddet dam hæpadlaš gævatusa mist, Same albmugest, dam namalassi, atte mi hilgoimek dam oudeb stuoradiggeolbma lensmand Opdahl, ja su sagjai valljimek socialisti Saba. Gæn læ sivva dat? Vastadus gullu juokke guovlost. Sivva læ dam likkotes diettemættom Same ja Suoma albmuga. Mutto ænaš oasse Samin æi diettam ouddal valga, atte Saba læ »socialista, ja dat gævai dal sëmna lakai go dalle go gærmaš bođi min likkotes vuostas ædne Eva lusa Eden gilvagardest. I gærmašge muittalam maggar son læ.

Jos Saba lifēi ouddal valga muittalam, atte son læ socialista, de æi lifēi nuft ædnag Samek šaddam sivalažžan dam likkotesvutti. Mutto stuoremus oasse dam sivast berre bigjnjuvut blađe »Sagai Muittalægje« ala; dam blađe čađa læk buok Sabast gidahængajægjek barggam čæppevuodain sin naššonasek doalvvot likkotesvutti. Dai barggi gaskast matta erinoamašet namatuvvut Johan Aikio daihe Suppa Johan, nuftgo son maidai goččujuvvu.

Dam olbmai daidage soapat gida ja gæseaige dakkat, maid son datto, go son fal dalveaige sardnedægjen jotta.

Saba oidnu dal ramedæme Norga oaivvegavpugest, atte obba Sameædnam læ socialistain vuittujuvvum, dat galle i læk jure nuft. Same albmug gaskast læ ædnagak, guđek čei læk miettamannasak daidi oaivvelidi, mi socialistain læ. Ja jos lifēi stuoreb dietto Sami særvest socialistai harrai, de jakam mon, atte čei gavdnu galles, guđek dam oppoi manašegje.

Likkotæmek læk mi Samek, go dat okta aidno olmai min sædost, gutte oapa ja jierme dafhost læi nuft gukkas boattam, atte son dokkalaš læi stuorradiggebenkki čokkanet nuftgo ærage darolaš ja buore sane albmuga oudast jienitet, galgai mannat socialistai særvvai, man bokte son i sate maidege burid doaimatet ærago æpegudne ja bagjelgæččamvuoda.

Dat i læk biettalæmest, mi læ oidnujuvum ja ain oidnujuvu, moft socialistai særvest læk anarkistak ja nihilistak bocidam.

Mon ješ dam buorre oaivvelest ellim gidda dam mannam dalve ragjai, atte Isak Sabast daidage olmai boattet min vuolaseddujuvum naššoni buristsivdnadussan ja gudnen, man ala dat arvost adnujuvum ja gudnegelbolaš darolaš radđetus nuft ollo læ barggam ja nuft ollo ruđaid golatam, vai bajasčuvvggitus ouddanifēi min gaski. Ige læk Saba uccemus oase dast ožžom.

Dam buristsivdueduvvum bargo læ galle Saba arvvedam burist dal juo æpegudnejattet oktan socialistai-guim. Loga buorre Sabmelaš ustebam Sami miššonpapa Tamberga »Jakkečallaga 1895,« de don gavnak, maid Sami bisma Skaar muittal Samegielbargo birra, mi algi juo 1773 arvo, ja dam sëmna čallagest gavnak maidai, man ædnag ruđaid daro naššon læ oaffaruššam bukem diti bajasčuvvitusa min gaski.

Go vidasæbbo jurdašuvvu obba dam gæse valggadoaimatusa birra soabmasi gaskast, de boatta maidai jurdagi dat čala, mi læi »Sagai Muittalægje« alde ja čuojai navt: »Gaččēt stemmit Saba stuoradiggeolmajen.« Manga nama legje dam bitta vuollai čallujuvum. Mon persovnalažak dovdam mæsta buokaid daina olbmain, ja mon adnim imašen go oidnim vel

Olle Koskama namage, mutto mon fuobmajegjim dallanaga, atte Koskama læge sagaides siste læmaš garra-set radđitusa vuostai; ja mu miella gæppani, go mon im oaidnam min oskaldes ja rakislaš sardnedegji H. A. Hellander, Mathis M. Siri ja Johan E. Isaksen namaid dam bitta vuolde. Si æi læk dakkam ječaidæsek sivalažžan sin albmugæsek likkotesvutti.

Mon læm visses dam ala, atte gærde šaddek Samek baččadet gattat dam, maid si læk dakkam jagest 1906. Ja mon bivdam buok jurdašægje Samid valddet dam socialistalaš likadæmest vara ouddalgo maņned šadda. Jos dat min stuorradiggeolmai Saba lifēi læm olgiš daihe gurot bæle olmai, de mon maidai illodifēim su valga diti; mutto dal mon im vuorde maidege burid. Alo ferttim mon dal darolaš albmugest vuostaivalddet bačča sanid dam Same albmug gævatusa diti; go obba Nuortta-Sameædnam fertte vagjedvuoda gillat min gæčeld. Nuortta-Sameædnamest 7id oktbr. 06.

Iko don »okta Sameædnam Sabmelaš« muittalifēi migjidi, mi dat læ varalaš oapoid, maid socialistak fievredek, ja mi dat læ likkotesvuodaid, mi sin gæčeld min ala matta boattet?

Red.

Min ædnamest læ

november mano loppi dam jage fiski-juvum 261,764 farpal salledak, dimag læi hivvudak 166,400 ja 1904 fiski-juvvui 145,750. Dam maņeb aiggai læk bivdegoattam obba valljit salleda Nordlandast.

Nælge-hätte.

Šanghaiest Kinast telegraferijuvu, atte ballamest læ, atte 10 million olbmu Davve-Kiangsuast šaddek nælgehættai dæivatallat; dastgo ædnamšaddo læ aibas billašuvvam

23 boccu goddujuvum.

Okta olmuštoga Ofofbana alde Gillevarest Kirunai bođi dast gieskad fakkistaga guovdo boacočorrad, muittala »Narvik Tidende.« Sævdnjadvuoda diti æi aiccujuvum boccu, ouddalgo vavnoi čuovgak čuvvggijegje sin. Bataram diti erit, ruotastegje boccu toga vuostai. 23 boccu goddujuvvujegje daihe billašuvve.

»Nuorttanaste« čalle, prentejægje ja olgusadde læ G. F. Lund Sigertjord, Vesteraalen.